

OKVIRNI SPORAZUM

Ovaj okvirni sporazum zaključen u Sarajevu, *14.09.* 2020.godine, između:

Javna ustanova Zavod za zdravstvenu zaštitu žena i materinstva Kantona Sarajevo,
sa sjedištem u Sarajevu, ulica Josipa Vancaša broj 1,
ID broj: 4200291370008,
Telefon: 033/560-222, Fax: 033/560-224
E-mail: zzzm@bih.net.ba
koju zastupa Mr.scimed.dr. Enis Hasanović, direktor (u daljem tekstu: Ugovorni organ),

i

Naziv ponuđača SEMIKEM d.o.o. Sarajevo
sa sjedištem u Omladinska 44, 71320 Vogošća
ID broj: 4200003250001, PDV broj: 200003250001
Telefon: 033/722-900, Fax: 033/424-106
E-mail: semin@bih.net.ba
koga zastupa Galib Kobilica, direktor (u daljem tekstu: Dobavljač)

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama BiH („Službeni glasnik BiH“ broj 39/14) proveo konkurentski postupak javne nabavke roba sa E-aukcijom KN 10-03/20 za LOT-1 i LOT-2 potrošni laboratorijski materijal za potrebe Zavoda za 2020. godinu, sa ciljem zaključivanja okvirnog sporazuma sa jednim ponuđačem na period od jedne godine;
- da je Ugovorni organ donio Odluku o dodjeli okvirnog sporazuma za LOT-1 broj: 10-1995-01/20 i LOT-2 broj:10-1996-01/20 od 01.09.2020. godine, u skladu sa kojom se zaključuje ovaj okvirni sporazum između Ugovornog organa i Dobavljača;
- da je Dobavljač dostavio ponudu za LOT-1 i LOT-2 broj:104/19 od 07.08.2020. godine, koja čini satavni dio ovog okvirnog sporazuma (u daljem tekstu: ponuda Dobavljača);
- ovaj okvirni sporazum ne predstavlja obavezu Ugovornog organa na zaključivanje pojedinačnih narudžbi o javnoj nabavci;
- obaveza nastaje izdavanjem narudžbenice ili pismenog zahtjeva o javnoj nabavci Ugovornog organa Dobavljaču na osnovu ovog okvirnog sporazuma.

PREDMET OKVIRNOG SPORAZUMA

Član 2.

Stranke u okvirnom sporazumu sporazumjeli su se o sljedećem:

Predmet okvirnog sporazuma je utvrđivanje uslova za zaključivanje pojedinačnih narudžbi o javnoj nabavci roba KN 10-03/20 za LOT-1 i LOT-2, sukcesivna nabavka i isporuka potrošnog laboratorijskog materijala za potrebe Zavoda za 2020. godinu., između ugovornog organa i Dobavljača, u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa.

Detaljna specifikacija potrošnog laboratorijskog materijala, data je u prilogu ovog okvirnog sporazuma i čini njegov sastavni dio. Količine navedene u specifikaciji su okvirne za sve vrijeme važenja okvirnog sporazuma.

VAŽENJE OKVIRNOG SPORAZUMA

Član 3.

Ovaj okvirni sporazum se zaključuje na period od jedne godine, a stupa na snagu danom obostranog potpisivanja.

Tokom perioda važenja ovog okvirnog sporazuma, predviđa se zaključivanje više pojedinačnih narudžbi, u zavisnosti od strane Ugovornog organa.

Ugovorni organ se ne obvezuje na nabavku utvrđenih okvirnih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava, ali ne može preći utvrđene okvirne količine.

CIJENA

Član 4.

Vrijednost za:

Lot 1 iznosi 12.821,00 KM bez PDV-a;

Lot 2 iznosi 3.140,00 KM bez PDV-a.

Ukupna vrijednost ovog okvirnog sporazuma iznosi **15.961,00 KM**

(slovima:petnesthiljadadevetstošezdesetjednaKM), bez uračunatog PDV-a, tj. sa PDV-om iznosi 18.674,37 KM.

Jedinične cijene iskazane su u ponudi Dobavljača bez PDV-a.

Cijene su fiksne i ne mogu se mijenjati za sve vrijeme važenja okvirnog sporazuma.

NAČIN I USLOVI ZAKLJUČIVANJA POJEDINAČNIH NARUDŽBI

Član 5.

Nakon zaključivanja okvirnog sporazuma, kada nastane potreba Ugovornog organa za predmetom nabavke, Ugovorni organ će pojedinačne narudžbe uputiti Dobavljaču u vidu narudžbenice ili pisanog zahtjeva o nabavci sa specifikacijom i potrebnim količinama.

Član 6.

Pojedinačne narudžbe o nabavci izvršavaju se pod uslovima iz okvirnog sporazuma u pogledu predmeta nabavke, cijene, načina i rokova plaćanja i rokova isporuke.

NAČIN I ROK PLAĆANJA

Član 7.

Ugovorni organ će pojedinačne narudžbe plaćati Dobavljaču u roku od 30 od dana prijema računa, u skladu sa ovim okvirnim sporazumom.

Uz ovjerene račune, Dobavljač je dužan da dostavi potpisane otpremnice o primopredaji robe, potpisane od strane ovlaštene osobe koje odredi Ugovorni organ.

Dobavljač je dužan da račune i potpisanu otpremnicu o primopredaji robe dostavi Ugovornom organu na adresu: Josipa Vancaša broj 1, 71000 Sarajevo.

ROK ISPORUKE

Član 8.

Dobavljač je dužan da u skladište Ugovornog organa dostavi robu u roku od 3 (tri) radna dana od dana zaprimanja pismene narudžbe od strane Ugovornog organa.

OBAVEZE DOBAVLJAČA PRIJEM ROBA

Član 9.

- (1) Dobavljač se obavezuje da ugovorene robe isporuči u svemu prema ponudi koju je dostavio u konkurentskom postupku javne nabavke KN 10-03/20 za LOT-1 i LOT-2 i normama kvaliteta koji važe za vrstu roba koje su predmet nabavke.
- (2) Ovlaštena osoba Ugovornog organa i predstavnik Dobavljača koji je dostavio robu izvršit će primopredaju robe.
- (3) Prilikom primopredaje robe ovlaštena osoba Ugovornog organa je dužna da isporučenu robu pregleda na uobičajan način i da svoje eventualne primjedbe o vidljivim nedostacima odmah saopšti predstavniku Dobavljača koji je dostavio robu.
- (4) Dobavljač se obavezuje da u svemu postupi po eventualnim primjedbama Ugovornog organa i nedostatke otkloni bez odlaganja u rokovima koje odredi Ugovorni organ.
- (5) Ukoliko Dobavljač ne otkloni nedostatke u roku, Ugovorni organ zadržava pravo da nedostatke otkloni angažujući treće lice sa pravom na regres od Dobavljača.
- (6) Ako se nakon primopredaje robe pokaže neki nedostatak koji se nije mogao otkriti uobičajnim pregledom, Ugovorni organ je dužan da o tom nedostatku pismenim putem obavijesti Dobavljača bez odlaganja.
- (7) Isporučilac je obavezan da prije potpisivanja ugovora, dostavi uzorak originalnog predmeta ugovora, u magacin Naručioca, na osnovu kojeg će se vršiti usporedba primljene količine i vrste.

UGOVORNA KAZNA

Član 10.

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti roba koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema pismenog zahtjeva za plaćanje od Ugovornog organa.

VIŠA SILA

Član 11.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

ZAVRŠNE ODREDBE

Član 12.

Za sve što nije regulisano ovim okvirnim sporazumom primjenjivat će se odredbe zakona koji regulišu obligacione odnose, kao i drugi propisi koji regulišu ovu materiju.

Član 13.

Sve sporove koji proisteknu u realizaciji ovog okvirnog sporazuma strane u ovom okvirnom sporazumu će rješavati sporazumno u duhu dobrih poslovnih odnosa. U slučaju da sporazum nije moguć, spor će se pokušati riješiti arbitražom, a ukoliko se spor ne riješi arbitražom, spor će rješavati nadležni sud u Sarajevu.

Član 14.

Ovaj okvirni sporazum je zaključen u četiri (4) istovjetna primjeraka od kojih po dva (2) pripadaju svakoj strani u ovom okvirnom sporazumu.

ZA DOBAVLJAČA

 Galib Kobilica, direktor

Broj: 170/6

Sarajevo, 18.4.2020

ZA UGOVORNI ORGAN

 **Mr. sc. med. dr. Enis Hasanović, direktor**

Broj: 10-2098-01/10

Sarajevo, 19.09.2020.